

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA NANE**

**KIKAO CHA KUMI NA NNE**

11 FEBRUARI, 2010



## ORODHA YA SHUGHULI ZA LEO

### MKUTANO WA KUMI NA NANE

KIKAO CHA KUMI NA NNE – TAREHE 11 FEBRUARI, 2010

#### I. HATI ZA KUWASILISHA MEZANI:

##### WAZIRI WA FEDHA NA UCHUMI:

Ripoti ya Ukaguzi wa ufanisi na thamani ya fedha juu ya Ukaguzi wa Shule za Sekondari kuhusu tatizo sugu la Matokeo duni ya Wanafunzi wa Sekondari katika Masomo ya Hisabati na Sayansi chini ya Wizara ya Elimu na Mafunzo ya Ufundi [*A Performance Audit Report on School Inspection Programme for Secondary Schools in Tanzania*].

Ripoti ya Ukaguzi wa ufanisi na thamani ya fedha kuhusu Usimamizi katika kushughulikia tatizo sugu la taka ngumu katika Miji mikubwa na Manispaa – chini

ya Ofisi ya Waziri Mkuu – **(TAMISEMI)** ikijumuisha, Jiji la Dar es Salaam, Manispaa za Temeke, Ilala na Kinondoni, vile vile Majiji ya Mwanza, Mbeya na Arusha [*A Performance Audit on the Management of Solid Waste in Big Cities and Region(s) in Tanzania. Mbeya, Dar es Salaam, Mwanza and Arusha*].

Ripoti ya Ukaguzi wa ufanisi na thamani ya fedha kuhusu Uandaaji wa Mafao kwa Wastaafu wa Serikali Kuu na Serikali za Mitaa Nchini Tanzania – chini ya Wizara ya Fedha na Uchumi [*A Performance Audit on Processing of Terminal Benefits of Retirees from the Central and Local Government of Tanzania, A Case Study Public Service Pension Funds (PSPF) and Local Authorities Pension Fund (LAPF)*].

Ripoti ya Ukaguzi wa ufanisi na thamani ya fedha kuhusu Usimamizi katika kutoa Huduma za Afya na muda wa wagonjwa kusubiri pamoja na Rasilimali Fedha na Watu – chini ya Ofisi ya Waziri Mkuu – **(TAMISEMI)** na Wizara ya Afya na Ustawi wa Jamii [*A Performance Audit Report on the Management of Primary Health Care, A Case Study of Health Centers*].

## **WAZIRI WA ELIMU NA MAFUNZO YA UFUNDI:**

Taarifa ya Mwaka na Hesabu za Chuo Kikuu cha Dodoma kwa Mwaka 2007/2008 [*The Annual Report*]

*and Audited Accounts of The University of Dodoma for the Financial Year 2007/2008].*

## **WAZIRI WA KAZI, AJIRA NA MAENDELEO YA VIJANA:**

Taarifa na Mapendekezo kuhusu Agizo la Kima cha chini cha Mishahara Pamoja na Hali nyingine za Ajira chini ya Sheria ya Taasisi za Kazi Na.7 ya Mwaka 2004.

## **II. MASWALI KWA WAZIRI MKUU:**

## **III. MASWALI YA KAWAIDA:**

### **WAZIRI MKUU:**

### **158.MHESHIMIWA SVELINA SILVANUS MWIJAGE (VITI MAALUM):**

Atamuuliza Mheshimiwa Waziri Mkuu:- Kwa kuwa, Serikali inapanga bajeti kukidhi mahitaji ya Wizara husika kwa kuzingatia umuhimu wa

Wizara hiyo; na kwa kuwa, Serikali inapata misaada mbalimbali kutoka kwenye Sekta ya Afya vikiwemo vitanda, mashuka, dawa, pamoja na magari ya kubebea wagonjwa yaani ‘ambulance’:-

Je, Serikali haioni umuhimu wa kusaidia wananchi wa Mkoa wa Kagera kwa kuwapatia ‘Ambulance’ ya kubeba wagonjwa kwa kuzingatia vijiji vilivyo mbali na hospitali ya Mkoa.

**159.MHESHIMIWA JANETH BINA KAHAMA  
(VITI MAALUM):**

Atamuuliza Mheshimiwa Waziri Mkuu:- Kwa kuwa, huduma ya umeme nchini haijasambazwa katika sehemu zote za nchi na hivyo kufanya wanafunzi katika baadhi ya shule za msingi na sekondari kutumia vibatari, koroboi na mishumaa kujisomea usiku:-

Je, Serikali haioni kwamba, kuna umuhimu wa kuhimiza shule husika kutumia malighafi walizonazo vijijini kuanzisha Miradi ya umeme utokanao na “biogas” na “solar energy” kama ilivyofanywa katika baadhi ya shule katika

Wilaya ya Serengeti kwa msaada wa Kampuni ya Hoteli ya Kitalii “Grumeti Reserves Co. Ltd”.

**WIZARA YA MAMBO YA NDANI YA NCHI:**

**160. MHESHIMIWA DKT. GUIDO GOROGOLIO  
SIGONDA (SONGWE):**

Atamuuliza Mheshimiwa Waziri wa Mambo ya Ndani ya Nchi:- Kwa kuwa, zipo alama mbalimbali za tahadhari barabarani zenye madhumuni ya kuepusha ajali:-

Je, ni alama zipi muhimu zinazopaswa kuonyeshwa wakati chombo cha moto, hasa gari linapoharibika wakati likisafiri.

**161. MHESHIMIWA DKT. ABDALLAH OMARI  
KIGODA (HANDENI):**

Atamuuliza Mheshimiwa Waziri wa Mambo ya Ndani ya Nchi:-

- (a) Kwa nini Wazigua waliokimbia Somalia kuepukana na adha na mateso waliyokuwa wakiyapata huko na kuja kuishi kwao Handeni wamepewa hadhi ya wakimbizi na wengine hawajapewa uraia tokea miaka ya 1990;
- (b) Je, ni lini watakuwa huru kuishi katika vijiji vya asili Wilayani Handeni badala ya kuwekwa kambini pale Chogo – Handeni ambapo kila wanachotaka kufanya lazima wapate kibali ikiwemo kusafiri;
- (c) Je, utaratibu huo wa Serikali si unaweza kuashiriwa kuwa ni kitendo cha kuwanyima Wazigua hao haki zao za msingi katika nchi yao.

## **WIZARA YA MAJI NA UMWAGILIAJI:**

### **162. MHESHIMIWA DKT. CHRISANT MAJIYATANGA MZINDAKAYA (KWELA):**

Atamuuliza Mheshimiwa Waziri wa Maji na Umwagiliaji:-

Je, Serikali itaanza lini ujenzi wa Mradi wa Kilimo cha Umwagiliaji kwa kutumia Mto

Momba ambao unakadiriwa kuwa na hekta 8000 ambazo zikiendelezwa zitasaidia kuendeleza kilimo kwa vijiji vya Kata ya Kipera.

## **WIZARA YA KILIMO, CHAKULA NA USHIRIKA:**

### **163.MHESHIMIWA BENSON MWAILUGULA MPESYA (MBEYA MJINI):**

Atamuuliza Mheshimiwa Waziri wa Kilimo, Chakula na Ushirika:- Kwa kuwa, suala la kilimo bora nchini ni pamoja na maandalizi ya mbegu bora kwa wakulima:-

- (a) Je, Serikali inazitambua taasisi zipi zinazostahili kuzalisha mbegu bora za Mahindi kwa Kanda ya Nyanda za Juu Kusini;
- (b) Je, katika kutoa ruzuku ya mbegu, ni utaratibu upi unaofuatwa.

### **164.MHESHIMIWA MICHAEL LEKULE LAIZER (LONGIDO):**

Atamuuliza Mheshimiwa Waziri wa Kilimo, Chakula na Ushirika:- Kwa kuwa, mikopo ya

pembejeo za kilimo hutolewa kwa watu wenye uwezo mkubwa na wenye hati za kuweka rehani:-

Je, Serikali imeweka utaratibu gani kwa ajili ya wakulima wadogowadogo ambao hawana hati yeyote na wanahitaji mikopo hiyo.

**WIZARA YA ARDHI, NYUMBA NA MAENDELEO YA MAKAZI:**

**165.MHESHIMIWA MWINCHOUM  
ABDULRAHAMAN MSOMI (KIGAMBONI):**

Atamuuliza Mheshimiwa Waziri wa Ardhi, Nyumba na Maendeleo ya Makazi:- Kwa kuwa, Serikali ilikuwa na mpango wa kuleta mwekezaji wa kujenga “Refinery” katika eneo la Amani Gomvu, Kata ya Somangila Wilaya ya Temeke na kuthaminiwa mali za wananchi wa eneo hilo kwa madhumuni ya kujenga “Refinery” hiyo; na kwa kuwa, hakuna taarifa zozote za mradi huo mpaka sasa kwa wananchi ambao wamezuiwa kuendeleza maeneo yao kwa muda mrefu:-

(a) Je, Serikali imefikia hatua gani za kutekeleza mradi huo;

- (b) Kama mradi huo haupo tena; Je, Serikali ina utaratibu gani wa kuwalipa fidia wananchi waliofanyiwa tathmini na kuzuiwa kufanya kitu chochote katika maeneo hayo kwa kipindi kirefu;
- (c) Je, utaratibu utatekelezwa vipi na lini.

## **WIZARA YA MAMBO YA NJE NA USHIRIKIANO WA KIMATAIFA:**

### **166.MHESHIMIWA DK. ALI TARAB ALI (KONDE):**

Atamuuliza Mheshimiwa Waziri wa Mambo ya Nje na Ushirikiano wa Kimataifa:- Kwa kuwa, Wizara ya Mambo ya Nje na Ushirikiano wa Kimataifa ni Wizara ya Muungano:-

- (a) Je, kuna Mabalizi wangapi wanao-iwakilisha nchi yetu katika Balizi za Nchi za Nje;
- (b) Je, Mabalizi wangapi kati ya hao wanatoka Tanzania Zanzibar;
- (c) Je, ni asilimia ngapi ya Wanadiplomasia wetu katika Balizi hizo ni kutoka Tanzania

Zanzibar.

**167.MHESHIMIWA DANIEL NICODEM  
NSANZUGWANKO (KASULU MASHARIKI):**

Atamuuliza Mheshimiwa Waziri wa Mambo ya Nje na Ushirikiano wa Kimataifa:- Kwa kuwa, hadi sasa nchi yetu haina Mkataba (Protocol) wa kubadilishana wahalifu na nchi za Rwanda, Burundi na Congo DRC, tukizingatia kuwa wahalifu wengi hasa majambazi wanaotumia silaha katika Mikoa ya Kagera, Kigoma na Rukwa hutokea kwa kiasi kikubwa katika maeneo hayo:-

- (a) Je, Serikali itaandaa lini Mkataba “Protocol” hiyo na kuileta Bungeni iridhiwe;
- (b) Je, Serikali iko tayari kubaini hadi sasa ni wahalifu wangapi waliofanya uhalifu katika Mkoa wa Kigoma na hususani Kasulu na kukimbilia nchi hizo jirani;

- (c) Je, Serikali imefanya mikakati gani kuwarejesha nchini wale wachache waliobainika (kukamatwa) ili sheria ifanye kazi yake.

#### **IV. KAULI ZA MAWAZIRI:**

WAZIRI WA VIWANDA, BIASHARA NA MASOKO:

#### **V. MISWADA YA SHERIA YA SERIKALI:**

*(Kusomwa Mara ya Pili, Kamati ya Bunge zima na  
Kusomwa Mara ya Tatu)*

Muswada wa Sheria ya Gharama za Uchaguzi wa Mwaka 2009, *[The Election Expenses Bill, 2009]*.

Muswada wa Sheria ya Marekebisho ya Sheria za Uchaguzi wa Mwaka 2009, *[The Electoral Laws (Miscellaneous Amendments) Bill, 2009]*.

**DODOMA**  
**11 FEBRUARI, 2010**

**DKT. T.D. KASHILILAH**  
**KATIBU WA BUNGE**